



國語第二

魯

長勺之役九衛曹劌問所以戰於嚴公公曰余不愛衣

食於民不愛牲玉於神對曰夫惠本而後民歸之

志民蘇而後神降之福若布德於民而平均其政

事君子務治而小人務力動不違時器不過用財

用不匱莫不共祀是以用民無不聽求福無不豐

今將惠以小賜祀以獨恭小賜不咸獨恭不優不

咸民弗歸也不優神弗福也將何以戰夫民求不

精堆



妙語

匱於財而神求優裕於享者也故不可以不本公
日余聽獄雖不能察必以情斷之對曰是則可矣
夫苟中心圖民知雖不及必將至焉

嚴本作莊。避漢明帝諱。以莊為嚴。先儒因而不改。後嚴伯魯嚴並同。嚴公十年。齊師伐魯。戰於長勺。惠本謂樹德施利也。咸徧也。優裕也。

陸弘祚曰古今論諫嘗與諷而少直故僖伯之于觀魚來伯之于納鼎曹劌之于觀社宜其不能迴三公之惑也

嚴公如齊觀社曹劌諫曰不可夫禮所以正民也是故先王制諸侯使五年四王一相朝也終則講於會以正班爵之義帥長幼之序訓上下之則制財用之節其閒無由荒怠夫齊棄大公之法而觀

社非鬼名民間社會祀神向與因多為穀抵後世之觀相角焉與競奢今於社時有之

民於社君為是舉而往觀之非故業也何以訓民
土發而社助時也收擗九斂而烝內要也今齊社而往觀旅非先王之訓也天子祀上帝諸侯會之受命焉諸侯祀先王先公卿大夫佐之受事焉臣不聞諸侯之相會祀也祀又不法君舉必書書而不法後嗣何觀公不聽遂如齊

齊因祀社。蒐軍實以示客。公往觀之。王謂王事天子也。歲聘以志業。閒朝以講禮。五年之閒。四聘於王。而一相朝者。將朝天子。先相朝也。終畢也。其閒朝會之閒。土發春分也。周語曰。土乃脉發。社者助時求福。為農始也。擗拾也。冬祭曰烝。因祭社以納五穀之要。休農夫也。旅衆也。不法

謂觀民也

嚴公丹桓宮之楹而刻其楹嘉匠師慶言於公曰臣聞聖王公之先封者遺後之人法使無陷於惡其為後世昭前之令聞也使長監於世故能攝固不解以久今先君儉而君侈之令德替矣公曰吾屬欲美之對曰無益於君而替前之令德臣故曰庶可以已乎公弗聽

桓宮桓公廟也。楹柱也。楹椽頭也。嚴公娶於齊。曰哀姜。哀姜將至。當見於廟。故以夸之。監觀也。觀世成敗以為戒也。攝持也。屬適也。

監古懺切又古銜切

巢古栗字

哀姜至公使大夫宗婦覲用幣宗人夏父展曰非故也公曰君作故對曰君作而順則故之逆則亦書其逆也臣從有司懼逆之書於後也故不敢不告夫婦贄不過棗栗以告虔也男則玉帛禽鳥以章物也今婦執幣是男女無別也男女之別國之大節也不可無也公弗聽

故故事也

援於春切又於元切

魯饑臧文仲言於嚴公曰夫為四鄰之援結諸侯之信重之以婚姻申之以盟誓固國之艱急是為

辭命
章法
夫懼至獲戾
為句

鑄名器藏寶財固民之殄病是待今國病矣君盍以名器請糴於齊公曰誰使對曰國有饑饉卿出告糴古之制也辰也備卿辰請如齊公使往從者曰君不命吾子吾子請之其為選事乎文仲曰賢者急病而讓夷居官者當事不避難在位者恤民之患是以國家無違今我不如齊非急病也在上不恤下居官而惰非事君也文仲以鬯圭與玉磬如齊告糴曰天災流行戾於敝邑饑饉荐降民羸幾卒大懼殄周公大公之命祀職貢業事之不共

義在

而獲戾不腆先君之敝器敢告滯積以紓執事以救敝邑使能共職豈唯寡君與二三臣實受君賜其周公大公及百辟神祇實永饗而賴之齊人歸其玉而予之糴

選事自選擇其職事也夷平也鬯圭裸鬯之圭卒盡也滯久也紓緩也穀久積則將朽敗執事所以憂也請之所以緩執事

齊孝公來伐臧文仲欲以辭告病焉問於展禽對曰獲聞之處大教小處小事大所以禦亂也不聞以辭若為小而崇以怒大國使加已亂亂在前矣

膏沐是今肥
皂香油土宜
之最輕者

磨或作磬

音命

辭其何益文仲曰國急矣百物唯其可者將無不趨也願以子之辭行賂焉其可乎展禽使乙喜以膏沐犒師曰寡君不佞不能事疆場之司使君盛怒以暴露於敝邑之野敢犒與師齊侯見使者曰魯國恐乎對曰小人恐矣君子則不亦公曰室如縣磬野無青草何恃而不恐對曰恃二先君之所職業昔者成王命我先君周文公及齊先君大公曰女股肱周室以夾輔先王賜女土地質之以犧牲世世子孫無相害也今君來討敝邑之臯其亦使

還旨旋又如
字

聽從而釋之必不泯其社稷豈其貪壤地而棄先王之命其何以鎮撫諸侯恃此以不恐齊侯乃許為平而還

欲以辭告欲以文辭告謝齊也病焉病不能為辭也展禽柳下惠也展無駭之後字季禽獲其名也崇高也謂自高大也膏所以澤髮沐滌首去垢者以膏沐為禮明不以賂免與衆也

溫之會晉人執衛成公歸之於周使醫鳩之不死醫亦不誅臧文仲言於僖公曰夫衛君殆無臯矣刑五而已無有隱者隱乃諱也大刑用甲兵其次用斧鉞中刑用刀鋸其次用鑽笮側格薄刑用鞭扑以

主慎中曰諸侯之患諸侯恤之長者之言自不妨於智辭賂更可人

穀音各即珪字

威民也故大者陳之原野小者致之市朝五刑三
次是無隱也今晉人鳩衛侯不死亦不討其使者
諱而惡殺之也有諸侯之請必免之臣聞之班相
恤也故能有親夫諸侯之患諸侯恤之所以訓民
也君盍請衛君以示親於諸侯且以動晉夫晉新
得諸侯使亦曰魯不棄其親其亦不可以惡公說
行玉二十穀乃免衛侯自是晉聘於魯加於諸侯
一等爵同則厚其好貨衛侯聞其臧文仲之為也
使納賂焉辭曰外臣之言不越境不敢及君

衛成公恃楚而不事晉又殺弟叔武其臣元咺
訴之晉故文公執之鳩鳥一名運日其羽有毒
漬之酒而飲之立死鑽臏刑笮黥刑也班次也
言位次同者常相恤也雙玉曰穀爵同則厚其
好貨爵與魯同者特厚其好貨而已

晉文公解曹地以分諸侯僖公使臧文仲往宿於
重館重館人告曰晉始伯而欲固諸侯故解有臯
之地以分諸侯諸侯莫不望分而欲親晉皆將爭
先晉不以故班亦必親先者吾子不可以不速行
魯之班長而又先諸侯其誰望之若少安恐無及
也從之獲地於諸侯為多及既復命為之請曰地

之多也、重館人之力也、臣聞之曰、善有章、雖賤、賞也、惡有釁、雖貴、罰也、今一言而辟境、其章大矣、請賞之、乃出而爵之、

晉文公誅無禮。曹人不服。伐而執其君。削其地以分諸侯。

海鳥曰爰居、止於魯東門之外、二日、臧文仲使國人祭之、展禽曰、越哉、臧孫之為政也、夫祀、國之大節也、而節、政之所成也、故慎制祀、以為國典、今無故而加典、非政之宜也、夫聖王之制祀也、法施於民、則祀之、以死勤事、則祀之、以勞定國、則祀之、能

禦大災、則祀之、能扞大患、則祀之、非是族也、不在祀典、昔烈山氏之有天下也、其子曰柱、能殖百穀百蔬、夏之興也、周棄繼之、故祀以為稷、共工氏之伯九有也、其子曰后土、能平九土、故祀以為社、黃帝能成命百物、以明民共財、顓頊能修之、帝嚳能序三辰以固民、堯能御均刑法以儀民、舜勤民事而野死、絲、鄩、洪水而殛死、禹能以德修絲之功、契為司徒而民輯、冥勤其官而水死、湯以寬治民而除其邪、稷勤百穀而山死、文王以文昭、武王去民

之穢故有虞氏禘黃帝而祖顓頊郊堯而宗舜夏
后氏禘黃帝而祖顓頊郊鯀而宗禹商人禘舜而
祖契郊冥而宗湯周人禘嚳而郊稷祖文王而宗
武王幕能帥顓頊者也有虞氏報焉杼能帥禹者
也夏后氏報焉上甲微能帥契者也商人報焉高
圉大王能帥稷者也周人報焉凡禘郊宗祖報此
五者國之典祀也加之以社稷山川之神皆有功
烈於民者也及前哲令德之人所以為明質也及
天之三辰民所以瞻仰也及地之五行所以生殖

也及九州名山川澤所以出財用也非是謂功不在祀
典今海鳥至已不知而祀之以為國典難以為仁
且知矣夫仁者講功而知者處物無功而祀之非
仁也不知而不問非知也今茲海其有災乎夫廣
川之鳥獸恒知而避其災也是歲也海多大風冬
煥煥文仲聞柳下季之言曰信吾過也季子之言不
可不法也使書以為三策○雅○字

越透也。族類也。烈山氏炎帝之號也。共工氏伯
在戲農之間。其子句龍。佐黃帝為土官。單盡也。
冥契後。為夏水官。死於水。幕舜之後。虞思也。為
夏諸侯。帥循也。顓頊有虞氏之祖也。報報德之

漢策冊同史
漢多用篆字

祭也。行少康之子。能興夏道者。上甲微。契後八世。高圉。稷後十世。典法也。質信也。以其有德於民而祭之。所以信之於民心也。處名也。策簡書也。

文子曰不易
敬子曰有數
謝君之辭和
而諱

此國法中前
の所之法也
終於此也
歟可見工拙
在所用
善滿
法語

文公欲弛孟文子之宅使謂之曰吾欲利子於外之寬者對曰夫位政之建也署位之表也車服表之章也宅章之次也祿次之食也君議五者以建政為不易之故也今有司來命易臣之署與其車服而曰將易而次為寬利也夫署所以朝夕虔君命也臣立先臣之署服其車服為利故而易其次是辱君命也不敢聞命若擧也則請納祿與車服

胡根口切又
胡茂切

善守同而對
大古亦不甚
志唯章之法
愈換便覺去
然房出乞化
工亦
妙論
異語

而違署唯里人之所命次公弗取臧文仲聞之曰孟孫善守矣其可以蓋穆伯而守其後於魯乎公欲弛邱敬子之宅亦如之對曰先臣惠伯以命於司里嘗禘烝享之所致君胙者有數矣出入受事之幣以致君命者亦有數矣今命臣更次於外為有司之以班命事也無乃違乎請從司徒以班徒次公亦弗取

弛毀也。位謂爵也。署者位之表識。次次舍也。違署之違去也。里人里宰。有罪去位。則當受舍於里宰。穆伯公孫敖。淫乎莒。出奔而死於齊。亦如之。謂之如孟文子也。以命於司里。受命於司里。

居此宅也。違乎之違遠也。言有司以位次命職事於臣。臣在外次。無乃違遠而不便乎。

夏父弗忌爲宗。烝將躋僖公。宗有司曰：非昭穆也。曰：我爲宗伯。明者爲昭。其次爲穆。何常之有。有司曰：夫宗廟之有昭穆也。以次世之長幼。而等胄之親疏也。夫祀昭孝也。各致齊敬於其皇祖。昭孝之至也。故工史書世宗。祝書昭穆。猶恐其踰也。今將先明而後祖。自玄王以及主癸。莫若湯。自稷以及王季。莫若文武。商周之烝也。未嘗躋湯與文武爲踰也。魯未若商周而改其常。無乃不可乎。弗聽。遂

東注

連用四不祥字

躋之。展禽曰：夏父弗忌必有殃。夫宗有司之言順矣。僖又未有明焉。犯順不祥。以逆訓民。亦不祥。易神之班。亦不祥。不明而躋之。亦不祥。犯鬼道二。犯人道二。能無殃乎。侍者曰：若有殃焉。在抑刑戮也。其天札也。曰：未可知也。若血氣強固。將壽寵得沒。雖壽而沒。不爲無殃。既其葬也。焚煙徹於上。

宗。宗伯。躋。升也。僖公。閔公之庶兄。繼閔而立。躋。僖公。逆祀也。父爲昭。子爲穆。僖爲閔。臣。臣子一例。而升閔上。故曰：非昭穆也。明。言僖有明德。當爲昭。閔次之。當爲穆也。主癸。湯父。焚煙。徹於上。已葬而火。焚其棺也。

滅才即切通
作藏

隋語

莒大子僕殺紀公以其寶來奔宣公使僕人以書命季文子曰夫莒大子不憚以吾故殺其君而以寶來其愛我甚矣為我予之邑今日必授無逆命矣里革遇之而更其書曰夫莒大子殺其君而竊其寶來不識窮固又求自邇為我流之於夷今日必通無逆命矣明日有司復命公詰之僕人以里革對公執之曰違君命者女亦聞之乎對曰臣以死奮筆奚啻其聞之也臣聞之曰毀則者為賊掩賊者為滅竊寶者為軌用軌之財者為姦使君為

舍音捨又音赦

字句修上茅
輕於國乃
藏

典

寢古寢字

猜側角切或
作獨又作藉

置麗之置當
為星之庚切

滅姦者不可不去也卷言臣違君命者亦不可不殺也公曰寡人實貪非子之臯也乃舍之

莒紀公生僕及季佗既立僕又愛季佗而黜僕僕殺紀公固廢也邇近也亂在內曰軌謂以子盜父

宣公夏濫於泗淵里革斷其罟而棄之曰古者大寒降土蟄發水虞於是乎講秋九罟罾取名魚登川禽而嘗之寢廟行諸國人助宣氣也鳥獸孕水蟲成獸虞於是乎禁置羅嗟獵魚鼈以為夏槁助生阜也鳥獸成水蟲孕水虞於是乎禁置麗鹿設罝鄂以實

畜許救切又
丑救切又勅
六切

藝即藝字

實支義切置
也

廟庖。畜功用也。且夫山不槎蘗仕雅澤不伐天魚禁鯤陳知。鰠獸長麇倪鳥鳥翼漢虞。蟲舍陳知。蜺陳知。蠃陳知。蕃庶物也。古之訓也。今魚方別孕。不教魚長。又行網罟。貪無藝也。公聞之曰。吾過而里革匡我。不亦善乎。是良罟也。為我得法。使有司藏之。使吾無忘式。諗師存侍曰。藏罟。不如寘里革於側之。不忘也。

濫。漬也。漬罟於泗水之淵。以取魚也。川禽鼈蜃之屬。置。兎罟。羅鳥罟也。藉。機也。槁。乾也。夏不得取。故於此時。機刺魚鼈。以為夏儲也。置。麗。小網也。鄂。柞格。所以誤獸者。畜功用者。畜四時功。足國財用也。槎。斫也。以株生曰蘗。鯢。魚子也。鰠。木成魚也。鹿子曰麇。麋子曰麇。生哺曰鰈。蜺。蜃子

也。可以為醢。蜾。復陶也。可食。別孕。別於雄而懷子也。藝。極也。諗。告也。

子叔聲伯如晉。謝季文子。卻犖欲與之邑。弗受也。歸鮑國謂之曰。子何辭苦成叔之邑。欲信讓邪。抑知其不可乎。對曰。吾聞之不厚其棟。不能任重。重莫如國。棟莫如德。夫苦成叔家。欲任兩國。而無大德。其不存也。亡無日矣。譬之如疾。余恐易焉。苦成氏有三亡。少德而多寵。位下而欲上。政無大功。而欲大祿。皆怨府也。其君驕而多私。勝敵而歸。必立新家。立新家。不因民。不能去舊。因民。非多怨。民無

國語

上

所始為怨三府可謂多矣其身之不能定焉能予人邑鮑國曰我信不若子若鮑氏有釁吾不圖矣今子圖遠以讓邑必常立矣

魯叔孫僑如欲去季氏。譖季文子於晉。晉人執之。卻擘之妻。聲伯之外妹也。故魯成公使聲伯如晉謝。且請之。鮑國。鮑叔牙之玄孫。去齊適魯。為施孝叔臣。兩國謂晉與魯也。釁。兆也。言鮑氏若有禍兆。吾不能豫圖之。

如此問千古絕少里華對言非不切耳正好作注脚

晉人殺厲公邊人以告成公在朝公曰臣殺其君誰之過也大夫莫對里華曰君之過也夫君人者其威大矣失威而至於殺其過多矣且夫君也者

不古流字

將牧民而正其邪者也若君縱私回而棄民事民旁有慝無由省之益邪多矣若以邪臨民陷而不振用善不肯專則不能使至於殄滅而莫之恤也將安用之桀奔南巢紂踣於京厲汜於彘幽滅於戲皆是術也夫君也者民之川澤也行而從之美惡皆君之由民何能為焉

季文子相宣成無衣帛之妾無食粟之馬仲孫它諫曰子為魯上卿相二君矣妾不衣帛馬不食粟人其以子為愛且不華國乎文子曰吾亦願之然

語溫而肯厲
宛然對談真
境語不文而
自工

內傳詳叙讀
至後乃減色
味此只一句
簡鍊殊勝

穆文熙曰主
入以過禮加
入未必不知
用以嘗試客
而觀其領略
何如耳魯國
守禮所以晉
雖強大而不
敢侮

國語

吾觀國人其父兄之食麤而衣惡者猶多矣吾是以不敢人之父兄食麤衣惡而我美妾與馬無乃非相人者乎且吾聞以德榮為國華不聞以妾與馬文子以告孟獻子獻子囚之七日自是子服之妾衣不過七升之布馬餼不過稂莠文子聞之曰過而能改者民之上也使為上大夫

仲孫它孟獻子之子子服它也八十縷為升

叔孫穆子聘於晉晉悼公饗之樂及鹿鳴之三而後拜樂三晉侯使行人闕焉曰子以君命鎮撫敝

邑不腆先君之禮以辱從者不腆之樂以節之吾子舍其大而加禮於其細敢問何禮也對曰寡君使豹來繼先君之好君以諸侯之故況使臣以大禮夫先樂金奏肆夏繁遏渠天子所以饗元侯也夫歌文王大明絲則兩君相見之樂也皆昭令德以合好也皆非使臣之所敢聞也臣以為肆業及之故不敢拜今伶簫味歌及鹿鳴之三君之所以況使臣臣敢不拜況夫鹿鳴君之所以嘉先君之好也敢不拜嘉四牡君之所以章使臣之勤也敢

國語 魯

十四

諷子余切又
將侯切

不拜章。皇皇者華。君教使臣曰：每懷靡及。諷謀度
詢，必咨於周。敢不拜教。臣聞之曰：懷和為每懷，咨
才為諷，咨事為謀，咨義為度，咨親為詢，忠信為周。
君況使臣以大禮，重之以六德，敢不重拜。

晉悼公先為穆子作肆夏，文王各三篇而不拜。至作鹿鳴之三篇而後拜樂三。大謂肆夏，文王細謂鹿鳴也。況，賜也。金奏以鐘奏樂也。肆夏一名樊韶夏，一名遏納夏，一名渠。此三夏曲也。禮有九夏，周禮鐘師掌以鐘鼓奏九夏。鄭後司農云：九夏皆篇名，頌之類也。載在樂章，樂崩亦從而亡。是以頌不能具。文王大明、緜，文王之三也。伶簫味歌，言樂人以簫作此三篇之聲。與歌者相應也。每懷靡及，言臣奉使既受命，當思在公，每人人懷其私，於事將無及矣。訪問於善為咨。

懷和之和，鄭後司農云當作私也。才當為事。傳曰：咨事為諷，事當為難。傳曰：咨難為謀。

穆文熙曰：以齊桓之表，東海而猶寄軍令於內政，蓋兵人之所畏也。大則取忌，小則取伐，三軍作而魯其日衰矣。

季武子為三軍，叔孫穆子曰：不可。天子作師，公帥之以征不德，元侯作師，卿帥之以承天子，諸侯有卿無軍，帥教衛以贊元侯，自伯子男有大夫無卿，帥賦以從諸侯，是以上能征下，下無姦慝，今我小侯也，處大國之間，繕貢賦以共從者，猶懼有討，若為元侯之所，以怒大國，無乃不可乎？弗從，遂作中軍，自是齊楚代討於魯，襄昭皆如楚。

魯伯禽之封，舊有三軍，其後削弱，二軍而已。武子欲專公室，故益中軍以為三。三家各征其一。

嚮向同或作向

教衛所教武衛之士也。賦國中出兵車甲士也。為元侯之所謂作三軍。元侯所為也。代更也。諸侯伐秦及涇，莫濟。晉叔嚮見叔孫穆子曰：諸侯謂秦不恭而討之，及涇而止，於秦何益？穆子曰：豹之業及匏有苦葉矣，不知其它。叔嚮退，召舟虞與司馬曰：夫苦匏不材於人，共濟而已。魯叔孫賦匏有苦葉，必將涉矣，具舟除隧，不共有法，是行也。魯人以莒人先濟，諸侯從之。

業事也。邶風。匏有苦葉。濟有深涉。深則厲。淺則揭。言其必濟。不知其他也。舟虞掌舟者。材讀若裁。不裁於人。言不可食也。共濟而已。佩匏可以度水也。隧。道也。以用也。能東西之曰以。

略談

汪道昆曰為名與衆此來之情也故善為謀者不肯自背凡以為國

詳論

義人者慶喜弔憂况畏而服之推原大義以見為名與衆也以下正見其名未改其衆未敗五其誰字正存有意必素之同

襄公如楚及漢，聞康王卒，欲還。叔昭伯曰：君之來也，非為一人也，為其名與其衆也。今王死，其名未改，其衆未敗，何為還？諸大夫皆欲還。子服惠伯曰：不知所為，姑從君乎？叔仲曰：子之來也，非欲安身也，為國家之利也，故不憚勤遠而聽於楚，非義楚也，畏其名與衆也。夫義人者，固慶其喜而弔其憂，况畏而服焉？聞喪而往，聞喪而還，苟芊姓實嗣，其誰代之任喪？王大子又長矣，執政未改，予為先君來死而去之，其誰曰不如先君將為喪舉聞喪

國語

魯

十六

辯難孰能屈
曲可細求

說古脫字通
用

儒人朱切或
作梗

生待之似名
仍楚人言必
亟不也

此非宿夷之
禮然尚非其
國也

章法

而還其誰曰非侮也事其君而任其政其誰由已
貳求說其侮而亟於前之人其讎不滋大乎說侮
不懦執政不貳帥大讎以憚小國其誰云待之若
從君而走患則不如違君以避難且夫君子計成
而後行二三子計乎有禦楚之術而有守國之備
乎則可也若未不如往也乃遂行反及方城聞
季武子襲卞公欲還出楚師以伐魯榮成伯曰不
可君之於臣其威大矣不能令於國而恃諸侯諸
侯其誰暱之若得楚師以伐魯魯既不違風之取

闕與窺同

此非取臣之
道然棄非其
君也

卞也必用命焉守必固矣若楚之克魯諸姬不獲
闕焉而況君乎彼無亦置其同類以服東夷而大
攘諸夏將天下是王而何德於君其予君也若不
克魯君以蠻夷伐之而又求人焉必不獲矣不如
予之風之事君也不敢不悛醉而怒醒而喜庸何
傷君其入也乃歸

羊楚姓也任當也誰當代之當喪為主者乎言
必自當之故不可不往弔也將為喪舉言如在
國聞楚有喪將為之舉動而往也其誰由已貳
言楚臣方事其君而當其政其誰肯從已時而
使諸侯有攜貳者乎說猶除也言楚君求除其
輕侮已者將急於前之人也懦弱也憚難也待

國語

十七

猶禦也。卞魯邑。武子襲之以自予。夙武子名。夙取卞時。魯人不違。是為聽用其命。必同心而守固矣。公欲伐魯。若人醉而怒。今止。若醒而喜也。何傷乎。

穆文熙曰張良躡足封韓信即此意蓋當其時不得不然耳

襄公在楚季武子取卞使季冶逆追而予之雅字璽書以告曰卞人將畔臣討之既得之矣公未言榮成子曰子股肱魯國社稷之事子實制之唯子所利何必卞卞有臯而子征之子之隸也又何謁焉子治歸致祿而不出曰使子欺君謂予能也能而欺其君敢享其祿而立其朝乎

逆迎也古者大夫之印亦稱璽

不為內信之

有微

號之會楚公子圍二人執戈先焉蔡公孫歸生與鄭罕虎見叔孫穆子穆子曰楚公子甚美不大夫矣抑君也鄭子皮曰有執戈之前吾惑之蔡子家曰楚大國也公子圍其令尹也有執戈之前不亦可乎穆子曰不然天子有虎賁習武訓也諸侯有旅賁禦災害也大夫有貳車備承事也士有陪乘告奔走也今大夫而設諸侯之服有其心矣若無其心而敢設服以見諸侯之大夫乎將不入矣夫服心之文也如龜焉灼其中必文於外若楚公子

不為君必死，不合諸侯矣。公子圍反，殺嘉邾敖而代之。

先謂在前導也。虎賁掌先後王而趨。舍則守王。開。在國則守宮門。所以習武教也。旅賁掌執戈盾。夾車而趨。車止則持輪。所以備非常也。邾敖。楚康王之子麋。麋有疾。圍縊而殺之。葬之於邾。謂之邾敖。

號之會，諸侯之大夫尋盟，未遑。季武子伐莒，取郕。

莒人告於會，楚人將以叔孫穆子為戮。晉樂王鮒附

求貨於穆子，曰：吾為子請於楚，穆子不予。梁其蹯形定

謂穆子曰：有貨以衛身也。出貨而可以免，子何愛

季法

善飾

焉。穆子曰：非女所知也。承君命以會大事，而國有

辜，我以貨私免，是我會吾私也。苟如是，則又可以

出貨而成私欲乎？雖可以免，吾其若諸侯之事何？

夫必將或循之，曰：諸侯之卿有然者，故也。則我求

安身而為諸侯法矣。君子是以患作作而不衷，將

或導之，是昭其不衷也。余非愛貨，惡不衷也。且辜

非我之由，為戮何害？楚人乃赦之。穆子歸，武子勞

之日中，不出其人，曰：可以出矣。穆子曰：吾不難為

戮，養吾棟也。夫棟折而榱崩，吾懼壓焉。故曰：雖死

於外而庇宗於內可也今既免大恥而不忍小忿
可以為能乎乃出見之

循效也。患作。患所作不得中以亂事也。武子正卿也。是為國棟。言已為戮。魯誅盡矣。故曰。吾也。棟也。

平丘之會晉昭公使叔嚮辭昭公弗與盟子服惠伯曰晉信蠻夷而棄兄弟其執政貳也貳必失諸侯豈唯魯然夫失其政者必毒於人魯懼及焉不可以不恭必使上卿從之季平子曰然則意如何若我往晉必患我誰為之貳子服惠伯曰椒既言

章法

步驟妙甚自神少錄

動人

之矣敢逃難乎椒請從晉人執平子子服惠伯見韓宣子曰夫盟信之要也晉為盟主是主信也若盟而棄魯侯信抑闕矣昔欒氏之亂齊人閒晉之禍伐取朝歌我先君襄公不敢寧處使叔孫豹悉帥弊賦^{兵知民}踦^{九衛}跛畢行無有處人以從軍吏次於離俞與邳鄆勝擊齊之左^{九衛}掎止晏萊焉齊師退而後敢還非以求遠也以魯之密邇於齊而又小國也齊朝駕則夕極於魯國不敢憚其患而與晉共其憂亦曰庶幾有益於魯國乎今信蠻夷而棄之夫諸

得夷失信說
得痛切

侯之勉於君者將安勸矣若棄魯而苟固諸侯羣
臣敢憚戮乎諸侯之事晉者魯為勉矣若以蠻夷
之故棄之其無乃得蠻夷而失諸侯之信乎子計
其利者小國共命宣子說乃歸平子

要猶結也樂氏之亂樂盈也開侯也踣跂踣蹇也從後曰擠止獲也非以求遠非以求遠功也

季桓子穿井獲如土缶其中有羊焉使問之仲尼

曰吾穿井而獲狗何也對曰以丘之所聞羊也丘

聞之木石之怪曰夔定、良、夔蝮蝮水之怪曰龍罔象土之

怪曰墳羊

柳宗元曰近世京兆杜濟穿井獲土缶中有狗焉投之於河化為龍

墳或作墳古字一本作墳

夔一足越人謂之山繅或作獠富陽有之人面猴身能言蝮蝮山精好數人聲而迷惑人者罔象食人一名沐腫墳羊雌雄不成者

季康子問於公父文伯之母曰主亦有以語肥也

對曰吾能老而已何以語子康子曰雖然肥願有

聞於主對曰吾聞之先姑曰君子能勞後世有繼

子夏聞之曰善哉商聞之曰古之嫁者不及舅姑

謂之不幸夫婦學於舅姑者也

大夫稱主妻亦如之

公父文伯飲南宮敬叔酒以露睹父為客羞鼈焉

實洛成珠

睹丁古切本或作睹

旌

於何有猶言
所直幾何

小賸父怒相延食鼈辭曰將使鼈長而後食之遂
出文伯之母聞之怒曰吾聞之先子曰祭養尸饗
養上賓鼈於何有而使夫人怒也遂逐之五日魯
大夫辭而復之

客上客也禮飲尊一人以為客羞進也於何有猶何禮有鼈也辭請也

公父文伯之母如季氏康子在其朝與之言弗應
從之及寢門弗應而入康子辭於朝而入見曰肥
也不得聞命無乃臯乎曰子弗聞乎天子及諸侯
合民事於外朝合神事於內朝自卿以下合官職

於外朝合家事於內朝寢門之內婦人治其業焉
上下同之夫外朝子將業君之官職焉內朝子將
匹婦 庀季氏之政焉皆非吾所敢言也

庀治也

公父文伯退朝朝其母其母方績文伯曰以歎之
家而主猶績懼于季孫之怒也其以歎為不能事
主乎其母歎曰魯其亡乎使僮子備官而未之聞
邪居吾語女昔聖王之處民也擇瘠土而處之勞
其民而用之故長王天下夫民勞則思思則善心

漢食貨志冬
民既入婦人
相從夜績女
工一月得四
十五日注云
每日又得半
夜為四十五
日也與農之
宵爾索綯士
之短檠夜誦
俱美事佳境

國語
生逸則淫淫則忘善忘善則惡心生沃土之民不
材淫也瘠土之民莫不嚮義勞也是故天子大采
朝日與三公九卿祖識地德日中考政與百官之
政事師尹惟旅牧相宣序民事少采夕月與大史
司載糾虔天刑日入監九御使潔奉禘郊之粢盛
而後卽安諸侯朝修天子之業命晝考其國職夕
省其典刑夜儆百工使無惰淫而後卽安卿大夫
朝考其職晝講其庶政夕序其業夜庀其家事而
後卽安士朝而受業晝而講貫夕而習復夜而計

抄者

字大妙

過無憾而後卽安自庶人以下明而動晦而休無
日以怠王后親織玄統公侯之夫人加以紘宏紆延
卿之內子爲大帶命婦成祭服列士之妻加以以
朝服自庶士以下皆衣其夫社而賦事烝而獻功
男女效績愆則有辟古之制也君子勞心小人勞
力先王之訓也自上以下誰敢淫心舍力今我寡
也爾又在下位朝夕處事猶恐忘先人之業況有
怠情其何以避辟吾冀而朝夕修我曰必無廢先
人爾今日胡不自安以是承君之官余懼穆伯之

情今本多作

絕祀也。仲尼聞之曰：弟子志之。季氏之婦不淫矣。

禮。天子以春分朝日。示有尊也。大采。衮職也。祖習也。識。知也。地德所以廣生。師尹。大夫官也。掌以美詔王。惟。陳也。旅。衆士也。牧。州牧也。相。國相也。皆百官政事之所及也。夕月。以秋分。少采。黼衣也。載。天文也。司天文。謂馮相氏。保章氏。與太史相儷偶也。監視也。九御。九嬪之官。卽就也。業。事也。令。命也。貫。習也。統。冠之垂前後者。韋。云。所以縣瑱當耳者。紘。纓之無綏者也。從下而上。不結。綖。冕上之覆也。卿之適妻曰內子。大帶。緇帶也。社。春分祭。冬祭曰烝。績。功也。

不有孝法

徹通作撤

公父文伯之母季康子之從祖叔母也。康子往焉。闕門。與之言。皆不踰闕。祭悼子。康子與焉。酢不受。徹俎不宴。宗不具。不繹。繹不盡。飲則退。仲尼聞之。

以爲別於男女之禮矣。

闕。闕也。門。寢門也。悼子。穆伯之父。敬姜先舅。與與祭也。禮。祭。主人獻賓。賓酢主人。不受。敬姜不親受也。祭畢。徹俎。又不與康子宴飲。宗。宗臣。主祭祀之禮。繹。又祭也。謂宗臣不具在。則敬姜不與繹也。立曰飲。坐曰要。繹畢而飲。不盡。飲禮而退。恐有醉飽之失。皆所以遠嫌也。

公父文伯之母欲室文伯。饗其宗老而爲賦。綠衣之三章。老請守龜。卜室之族。師亥聞之曰：善哉。男女之饗不及宗臣。宗室之謀不過宗人。謀而不犯。微而昭矣。詩所以合意。歌所以詠詩也。今詩以合室。歌以詠之。度於法矣。

國語 魯

室妻也。綠衣。邶風。其三章曰。我思古人。實獲我心。以言古之賢人。正其室家之道。我心所善也。族。姓也。男女之饗。不及宗臣。至於謀宗室之事。則不過宗臣。故敬姜欲室文伯。而饗其宗老。賦詩以成之也。不犯。不犯禮也。微而昭。詩以合意也。

公父文伯卒其母戒其妾曰吾聞之好內女死之好外士死之今吾子夭死吾惡其以好內聞也二三婦之辱共先祀者請無瘠色無洵涕無搯膺無憂容有降服無加服從禮而靜是昭吾子也仲尼聞之曰女知莫如婦男知莫如夫公父氏之婦知也夫欲明其子之令德也

知也夫還作歎美辭從注解夫當如字叙理而太繫

瘠色。毀瘠之色也。無聲涕出為洵涕。搯。叩也。膺。胸也。女。處女。男童也。言處女之知不如婦。童子之知不如丈夫也。知也。夫者。凡婦人之情。愛其子。欲令妻妾思慕而已。今敬姜乃反割抑欲以明德。此丈夫之知。故曰知也夫。

公父文伯之母朝哭穆伯而莫哭文伯仲尼聞之曰季氏之婦可謂知禮矣愛而無私上下有章吳伐越墮會稽獲骨焉節專車吳子使來好聘且問之仲尼曰無以吾命賓發幣於大夫及仲尼仲尼爵之既徹俎而宴客執骨而問曰敢問骨何為大仲尼曰丘聞之昔禹致羣神於會稽之山防風

氏後至禹殺而戮之其骨節專車此為大矣客曰
敢問誰守為神仲尼曰山川之靈足以紀綱天下
者其守為神社稷之守為公侯皆屬於王者客曰
防風氏何守也仲尼曰汪芒氏之君也守封隅之
山者也為漆姓在虞夏商為汪芒氏於周為長翟
今為大人客曰人長之極幾何仲尼曰焦堯氏長
三尺短之至也長者不過十之數之極也

專擅也骨一節其長專車也徹俎而宴獻酢禮畢徹俎而宴飲也羣神謂主山川之君為羣神之主故謂之神陳尸為戮山川之守主為山川設者也紀綱天下謂各山大川能與雲致雨以

祭音奴又音努

素法

周書旅獒作通道于九夷八蠻

却者陈若也
湊字

利天下也封封山隅隅山在今吳郡永安縣焦僥西南蠻之別名

仲尼在陳有隼尊集於陳侯之庭而死楛矢貫之石
祭其長尺有咫陳惠公使人以隼如仲尼之館問
之仲尼曰隼之來也遠矣此肅慎氏之矢也昔武
王克商通道於九夷百蠻使各以其方賄來貢使
無忘職業於是肅慎氏貢楛矢石祭其長尺有咫
先王欲昭其令德之致遠也以示後人使未監焉
故銘其楛曰肅慎氏之貢矢以分大姬配虞胡公
而封諸陳古者分同姓以珍玉展親也分異姓以

遠方之職貢使無忘服也故分陳以肅慎氏之貢
君若使有司求諸故府其可得也使求得之金積
如之

隼鷲鳥今之鷲也。楛木名。柝鏃也。八尺曰咫。刻
曰銘。楛箭羽之間也。展重也。如之如孔子之言

齊閭丘來盟子服景伯戒宰人曰陷而入於恭閔
馬父笑景伯問之對曰笑吾子之太滿也昔正考
父校商之名頌十二篇於周大師以那爲首其輯
之亂曰自古在昔先民有作溫恭朝夕執事有恪
先聖王之傳恭猶不敢專稱曰自古古曰在昔昔

挺白字

曲有故

曰先民今吾子之戒吏人曰陷而入於恭其滿之
甚也周恭王能庇昭穆之闕而爲恭楚恭王能知
其過而爲恭今吾子之教官寮曰陷而後恭道將
何爲

陷猶失過也。如有失過寧近於恭也。閔馬父魯
大夫滿驕滿也。正考父宋大夫孔子之先也。毛
詩敘曰微子至於戴公其間禮樂廢壞有正考
父者得商頌十二篇於周之太師以那爲首鄭
司農云自考父至孔子又亡其七篇故餘五耳
輯成也。凡作篇章義既成撮其大要以爲亂辭
周恭王昭王之孫穆王之子也。昭王南昭而不
反穆王欲肆其心皆有闕失恭王能庇覆之故
爲恭楚恭王有疾召大夫曰不穀不德覆亡楚
國之師若沒請爲靈若厲子囊曰可不謂恭乎

國語

大夫從之。道將何為。言失道尚為恭。如其得道。將何為乎。

季康子欲以田賦。使冉有訪諸仲尼。仲尼不對。私

於冉有曰。求來。汝不聞乎。先王制土。藉田以力。而

砥其遠邇。賦里以入。而量其有無。任力以夫。而議

其老幼。於是乎有鰥寡孤疾。有軍旅之出。則徵之。

無則已。其歲收田一井。出稷禾秉芻。缶米。不是過

也。先王以為足。若子季孫欲其法也。則有周公之

藉矣。若欲犯法。則苟而賦。又何訪焉。

田賦。以田出賦也。賈侍中云。田一井也。周制。十
六井賦。戎馬一匹。牛二頭。今一井之田。而欲出

語論陽句

砥之履切又音指

波瀾

十六井之賦也。制土制其肥瘠。以為差也。藉田謂稅也。以力謂三十者受田百畝。二十者受五十畝。六十還田也。砥平也。平遠近遠近有差也。周禮近郊十一。遠郊二十而三。甸稍縣都皆無過十二也。里廛也。謂商賈所居之區域也。以入計其利入多少。而量其財業有無。以為差也。周禮國宅無征。園廛二十而一。漆林二十而五。力謂徭役。以夫家為數。老幼則有復除也。徵之徵鰥寡孤疾之賦。無軍旅之出。則止不賦也。其歲有軍旅之歲也。缶庾也。十六斗曰庾。十庾曰秉。四秉曰筥。十筥曰稷。藉藉田之法。苟苟且也。康子不聽。魯哀十二年春。卒用田賦。



皇明萬曆己未仲秋烏程閔齊伋遇五父裁注

齊語單紀桓
公伯業大畧
與管子同且
其文不類諸
國語明是取
諸彼者
餒餒同本或
作餒說文但
作餒無餒字

文氣快逸誦
銀之乃少誠
乞戰國之溢
勃

枹音孚或音
浮

國語第三

齊

桓公自莒反於齊使鮑叔爲宰辭曰臣君之庸臣也君加惠於臣使不凍餒則是君之賜也若必治章法國家者則非臣之所能也若必治國家者則管夷吾乎臣之所不若夷吾者五寬惠柔民弗若也治國家不失其柄弗若也忠信可結於百姓弗若也制禮義可法於四方弗若也執枹鼓立於軍門使百姓加勇焉弗若也桓公曰夫管夷吾射寡人中

施伯既知管子之才將為魯國憂何不蚤令魯用之以憂齊乎此實諷魯用仲曾嚴恐不覺耳

鉤是以濱於死鮑叔對曰夫為其君動也君若宥而反之夫猶是也桓公曰若何鮑子對曰請諸魯桓公曰施伯魯君之謀臣也夫知吾將用之必不予我矣若之何鮑子對曰使人請諸魯曰寡君有不令之臣在君之國欲以戮於羣臣故請之則予我矣桓公使請諸魯如鮑叔之言嚴公以問施伯施伯對曰此非欲戮之也欲用其政也夫管子天下之才也所在之國則必得志於天下令彼在齊則必長為魯國憂矣嚴公曰若何施伯對曰殺而

唐伯勸禮重耳否則殺之聲子勸復湫率否則賂盜使殺皆是此意

釁或為熏

章法

工辭

裂力製切恐是裂字而書法小異耳

以其屍授之嚴公將殺管仲齊使者請曰寡君欲親以為戮若不生得以戮於羣臣猶未得請也請生之於是嚴公使束縛以予齊使齊使受而以還比至三釁三浴之桓公親逆之於郊而與之坐問焉曰昔吾先君襄公築臺以為高位田狩畢弋不聽國政卑聖侮士而唯女是崇九妃六嬪陳妾數百食必梁肉衣必文繡戎士凍餒戎車待游車之裂戎士待陳妾之餘優笑在前賢才在後是以國家不日引不月長恐宗廟之不埽除社稷之不血

全相周禮

搏指究切或音端

二百四十二年大快之舉
二百四十二年大快之文

食敢問爲此若何管子對曰昔吾先王昭王穆王世法文武遠績以成名合羣容叟比較民之有道者設象以爲民紀式權以相應比綴以度搏本肇末勸之以賞賜糾之以刑罰班序顛毛以爲民紀統桓公曰爲之若何管子對曰昔者聖王之治天下也參其國而伍其鄙定民之居成民之事陵爲之終而慎用其六柄焉桓公曰成民之事若何管子對曰四民者勿使雜處雜處則其言未嗛其事易公曰處士農工商若何管子對曰昔聖王之處士也

使就閒燕處工就官府處商就市井處農就田野令夫士羣萃而州處閒燕則父與父言義子與子言孝其事君者言敬其幼者言悌少而習焉其心安焉不見異物而遷焉是故其父兄之教不肅而成其子弟之學不勞而能夫是故士之子恒爲士令夫工羣萃而州處審其四時辨其功苦權節其用論比協材以旦莫從事施於四方以飭其子弟相語以事相示以巧相陳以功少而習焉其心安焉不見異物而遷焉是故其父兄之教不肅而成

實是居所需也

何合可切又胡佐切

葉古老切通作葉

其子弟之學不勞而能夫是故工之子恒為工令
夫商羣萃而州處察其四時而監其鄉之資以知
其市之賈負任儋美何服牛輅馬以周四方以其所
有易其所無市賤鬻貴且莫從事於此以飭其子
弟相語以利相示以賴相陳以知賈少而習焉其
心安焉不見異物而遷焉是故其父兄之教不肅
而成其子弟之學不勞而能夫是故商之子恒為
商令夫農羣萃而州處察其四時權節其用耒耜
枷芟所銜及寒擊藁除田以待時耕及耕深耕而疾耰

章法

模寫家甚精有境

駿七倫切又透綠切

之以待時雨時雨既至挾其槍刈耨耨博以且莫從
事於田野脫衣就功首戴茅蒲身衣襪素襪綠霑體塗
足暴其髮膚盡其四支之敏以從事於田野少而
習焉其心安焉不見異物而遷焉是故其父兄之
教不肅而成其子弟之學不勞而能夫是故農之
子恒為農野處而不暱其秀民之能為士者必足
賴也有司見而不以告其皐五有司已於事而竣
桓公曰定民之居若何管子對曰制國以為二十
一鄉桓公曰善管子於是制國以為二十一鄉工

帥所律切或作所類切非

商之鄉六士鄉十五公帥五鄉焉國子帥五鄉焉高子帥五鄉焉參國起案以為三官臣立三案工立三族市立三鄉澤立三虞山立三衡桓公曰吾欲從事於諸侯其可乎管子對曰未可國未安桓公曰安國若何管子對曰修舊法擇其善者而業用之遂滋民與無財而敬百姓則國安矣桓公曰諾遂修舊法擇其善者而業用之遂滋民與無財而敬百姓國既安矣桓公曰國安矣其可乎管子對曰未可君若正卒伍修甲兵則大國亦將正卒

此便是王伯分岐喫緊處然不如此不

伍修甲兵則難以速得志矣君有攻伐之器小國諸侯有守禦之備則難以速得志矣君若欲速得志於天下諸侯則事可以隱令可以寄政桓公曰為之若何管子對曰作內政而寄軍令焉桓公曰善管子於是制國五家為軌軌為之長十軌為里里有司四里為連連為之長十連為鄉鄉有良人焉以為軍令五家為軌故五人為伍軌長帥之十軌為里故五十人為小戎里有司帥之四里為連故二百人為卒連長帥之十連為鄉故二千人為

大國字六相
字諸出以幸

文執至此不
求奇而自奇
金谷花開爛
焉迷目

旅鄉良人帥之、五鄉一帥、故萬人為一軍、五鄉之
帥帥之、三軍故有中軍之鼓、有國子之鼓、有高子
之鼓、春以狻振旅、秋以獮治兵、是故卒伍整於里、
軍旅整於郊、內教既成、令勿使遷徙、伍之人祭祀
同福、死喪同恤、禍災共之、人與人相疇、家與家相
疇、世同居、少同游、故夜戰聲相聞、足以不乖、晝戰
目相視、足以相識、其歡欣足以相死、居同樂、行同
蘇、死同哀、是故守則同固、戰則同彊、君有此士也
三萬人、以方行於天下、以誅無道、以屏周室、天下

大國之君莫之能禦也

齊襄公立其政無常。鮑叔牙曰：亂將作矣。奉公
子小曰：奔莒。公孫無知殺襄公而自立。管夷吾
召忽奉公子糾奔魯。齊人殺無知。逆子糾於魯。
魯嚴公不即遣而盟以要之。齊大夫歸。逆小白
於莒。嚴公伐齊。納子糾。小白自莒先入。是為桓
公。宰太宰也。濱近也。以香塗身曰鬻。畢掩雉免
之網也。空老也。周禮正月之吉。縣治象於象魏。
使萬民觀焉。挾日而斂之。所以為民綱紀也。挾
通作浹。式用也。權平也。使均平相應也。比比其
眾寡。綴連也。連其夫家也。度法也。溥等也。肇正
也。謂先等其本。以正其末也。顛頂也。毛髮也。次
列頂髮之白黑。使長幼有等。以為治民之經紀
也。參三也。國郊以內也。伍五也。鄙郊以外也。三
分國都以為三軍。五分其鄙以為五屬也。陵為
之終。以為葬也。六柄生殺貧富貴賤也。唯亂貌。
易變易也。萃集也。州聚也。功牢也。苦脆也。論擇

也。比。比其善惡也。協。和也。和其剛柔也。監視也。資財也。背曰負。肩曰僮。任抱也。何揭也。服牛車也。輶馬車也。賴。贏也。枷。拂也。所以擊草者。芟。大鎌。所以芟草者。菓。枯草也。槍。椿也。鑄。鉏也。襍。蓑。薜衣。暱。近也。秀。民之秀出者。足賴之。賴。恃也。其罪五。其罪在五刑也。已。畢也。竣。伏退也。士。鄉十五。唐尚書云。士與農共十五鄉也。韋氏云。此士。軍士也。十五鄉。合三萬人。是為三軍。農野處而不曠。不在都邑之數。則下所云伍鄙是也。公帥五鄉。是為中軍。國高各帥五鄉。為左右軍也。參。三也。案。界也。分國事以為三也。業。用。創用也。遂。育也。滋。長也。貧無財者。振業之也。事。戎事也。隱。匿也。寄。托也。匿軍令。託於國政。若有征伐。鄰國不知也。居則為軌。出則為伍。所謂寄政。小戎。兵車也。春田曰狝。振。整也。旅。衆也。秋田曰獮。方行。橫行也。

正月之朝。鄉長復事。君親問焉。曰於子之鄉有居

近代鄉約之法亦祖此意。虛文從事。鮮有實效。非法之過也。

處好學。慈孝於父母。聰慧質仁。發聞於鄉里者。有則以告。有而不以告。謂之蔽明。其舉五。有司已於事而竣。桓公又問焉。曰於子之鄉有拳勇股肱之力。秀出於衆者。有則以告。有而不以告。謂之蔽賢。其舉五。有司已於事而竣。桓公又問焉。曰於子之鄉有不慈。孝於父母。不長弟於鄉里。驕躁淫暴。不用上令者。有則以告。有而不以告。謂之下比。其舉五。有司已於事而竣。是故鄉長退而修德。進賢。桓公親見之。遂使役官。桓公令官長期而書。伐以告。

期居其切或作恭

以錯綜勝

且選選其官之賢者而復用之曰有人居我官有
功休德惟慎端慤以待時使民以勸綏謗言足以
補官之不善政桓公召而與之語訾相其質足以
比成事誠可立而授之設之以國家之患而不疚
還問其鄉以觀其所能而無大厲升以為上卿之
贊謂之三選國子高子還而修鄉鄉還而修連連
還而修里里還而修軌軌還而修伍伍還而修家
是故匹夫有善可得而舉也匹夫有不善可得而
誅也政既成鄉不越長朝不越爵罷士無伍罷女

大都是周禮
遺意而間有
任術處

無家夫是故民皆勉為善與其為善於鄉也不如
為善於里與其為善於里也不如為善於家是故
士莫敢言一朝之便皆有終歲之計莫敢以終歲
之議皆有終身之功桓公曰伍鄙若何管子對曰
相地而衰征則民不移政不旅舊則民不偷山澤
各致其時則民不苟陸阜陵壘其井田疇均則民不
憾無奪民時則百姓富犧牲不略則牛羊遂桓公
曰定民之居若何管子對曰制鄙三十家為邑邑
有司十邑為卒卒有卒帥十卒為鄉鄉有鄉帥三

鄉爲縣縣有縣帥十縣爲屬屬有大夫五屬故立
五大夫各使治一屬焉立五正各使聽一屬焉是
故正之政聽屬牧政聽縣下政聽鄉桓公曰各保
治爾所無或淫怠而不聽治者

復白也。比阿黨也。役官爲官也。期期年也。伐功也。書其所掌在官有功者也。復用之復亦白也。待時動不違時也。綏止也。訾量也。相視也。比成之比輔也。疾病也。豫設國家之患難以問之。而不罷病也。厲惡也。衰征規土地之美惡。及所生出。以差征賦之輕重也。舊君之故舊也。不以故人爲師旅。則民相與不苟且也。墜溝上之道也。麻地曰疇。略奪也。遂長也。此定民之居。謂制野鄙之政也。與郊內之政異。

此章剛前未
於字

正月之朝五屬大夫復事桓公擇是寡功者而譴
之曰制地分民如一何故獨寡功教不善則政不
治一再則宥三則不赦桓公又親問焉曰於子之
屬有居處爲義好學慈孝於父母聰慧質仁發聞
於鄉里者有則以告有而不以告謂之蔽明其舉
五有司已於事而竣桓公又問焉曰於子之屬有
拳勇股肱之力秀出於衆者有則以告有而不以
告謂之蔽賢其舉五有司已於事而竣桓公又問
焉曰於子之屬有不慈孝於父母不長弟於鄉里

驕躁淫暴不用上令者有則以告有而不以告謂之下比其舉五有司已於事而竣五屬大夫於是退而修屬屬退而修縣縣退而修鄉鄉退而修卒卒退而修邑邑退而修家是故匹夫有善可得而舉也匹夫有不善可得而誅也政既成以守則固以征則疆

蒞法

一本君欲從事於天下諸侯謀計

桓公曰吾欲從事於諸侯其可乎管子對曰未可鄰國未吾親也君若欲從事於諸侯則親鄰國桓公曰若何管子對曰審吾疆場而反其侵地正其

封疆無受其資而重為之皮幣以驟聘導於諸侯以安四鄰則四鄰之國親我矣為游士八十人奉之以車馬衣裘多其資幣使周游於四方以號召天下之賢士皮幣玩好使人鬻之四方以監其上下之所好擇其淫亂者而先征之桓公問曰夫軍令則寄諸內政矣齊國寡甲兵為之若何管子對曰輕過而移諸甲兵桓公曰為之若何管子對曰制重臯贖以犀甲一戟輕臯贖以求位神究鞮盾一戟小臯贖以金分宥閒臯所訟者三禁而不可上下坐成

足兵之法莫良于此

抄段

三法乞兵五
我亦乞兵五
防有故而竟
更深婉

反其侵地而
使為主心便
帖服如山如
海之可恃耳
注謂軍必依
險阻三國安
能共此險耶

勝晉文一着

鋪張揚厲可
謂不遺餘力

汶音文又音
問

必賦必欲

辟必亦切又
匹亦切不古
流字

以束矢。美金以鑄劍戟。試諸狗馬。惡金以鑄鉏夷。
斤。楊試諸壤土。甲兵大足。桓公曰。吾欲南伐。何主。
管子對曰。以魯為主。反其侵地。堂潛使海於有蔽。
渠弭於有渚。環山於有牢。桓公曰。吾欲西伐。何主。
管子對曰。以衛為主。反其侵地。臺原。姑與漆里。使
海於有蔽。渠弭於有渚。環山於有牢。桓公曰。吾欲
北伐。何主。管子對曰。以燕為主。反其侵地。柴夫。吠
狗。使海於有蔽。渠弭於有渚。環山於有牢。四鄰大
親。既反侵地。正封疆。地南至於陶陰。西至於濟北。

至於河東。至於紀鄴。有革車八百乘。擇天下之甚
淫亂者而先征之。即位數年。東南多有淫亂者。萊
莒。徐夷。吳。越。一戰師服三十一國。遂南征。伐楚。濟
汝。踰方城。望汶山。使貢絲於周。而反荊州。諸侯莫
不來服。遂北伐。山戎。剌令支。斬孤竹。而南歸海濱。
諸侯莫不來服。與諸侯飾牲為載。以約誓於上下。
庶神與諸侯勳力同心。西征攘白翟之地。至於西
河。方舟設泚。乘桴濟河。至於石抗縣。車束馬。踰大
行。與辟耳之谿。拘夏西服。汜沙。西吳南城。周反。昨

國語 齊

於絳、嶽、濱諸侯莫不來服而大朝。諸侯於陽穀，兵車之屬六，乘車之會三，諸侯甲不解力追，繫兵不解於計，繫勞無弓，服無矢，隱武事，行文道，帥諸侯而朝天子。葵丘之會，天子使宰孔致胙於桓公，曰：「余一人之命，有事於文武，使孔致胙，且有後命。」曰：「以爾自卑，勞實謂爾伯舅無下拜。」桓公召管子而謀，管子對曰：「為君不君，為臣不臣，亂之本也。」桓公懼，出見客，曰：「天威不遠，顏咫尺。」小白余敢承天子之命，曰：「爾無下拜，恐隕越於下，以為天子羞。」遂下拜，升受命。

賞服大路，龍旂九旒，渠門赤旂，諸侯稱順焉。桓公

一本作九旒，注云九旒九旒也，就成也。

憂天下諸侯，魯有夫人慶父之亂，二君殺死，國絕

無嗣。桓公聞之，使高子存之，翟人攻邢，桓公築夷

儀以封之，男女不淫，牛馬選具，翟人攻衛，衛人出

廬於曹，桓公城楚丘以封之，其畜散而無育，桓公

與之繫馬三百，天下諸侯稱仁焉。於是天下諸侯

知桓公之為已動也，是故諸侯歸之，譬若市人，桓

公知諸侯之歸已也，故以輕其幣而重其禮，故天

下諸侯罷馬以為幣，縷纂以為奉，鹿皮四个，諸侯

王世貞曰：稱順稱仁，稱寬稱廣，不可分看。四者段，皆有只如此。鼓舞華端耳。諸侯知桓公之為已動，桓公知諸侯之歸已後，又云桓公知諸侯之多與已，皆是鼓舞華端，以美奇且前，既備言來服，未又述禁暴，示權皆是張，示伯器深而通，後而有體。

纂或作纂

義通作譏

之使垂橐而入。相載而歸。故拘之以利。結之以信。示之以武。故天下小國。皆侯。既許桓公。莫之敢背。就其利而信其仁。畏其武。桓公知天下諸侯多與已也。故又大施忠焉。可為動者。為之動。可為謀者。為之謀。軍譚遂而不有也。諸侯稱寬焉。通齊國之魚鹽於東萊。使關市幾而不征。以為諸侯利。諸侯稱廣焉。築葵茲。晏負夏領。金丘以禦戎翟之地。所以禁暴於諸侯也。築五鹿中牟。蓋與牡丘以衛諸夏之地。所以示權於中國也。教大成。定三革。隱五

冷語難句談
然有妙致

只平常語陡
用作結便覺

奇峻
防似掉尾

○形○服○以○濟○河○而○無○怵○惕○焉○文○事○勝○矣○是○故○大○國○慚○愧○小○國○協○附○唯○能○用○管○夷○吾○甯○戚○隰○朋○賓○胥○無○鮑○叔○牙○之○屬○而○伯○功○立○

類視也。監觀也。鞮者綴革有文如縑也。金分贖金有分兩之差也。閒罪刑罰之疑者。系訟求訟者之情也。三禁禁之三日。使審實其辭也。不可上下者。辭定不可移也。坐成獄訟之坐已成也。十二矢為束。周禮以兩造禁民訟。入束矢於朝。然後聽之。兩人訟。一人入矢。一人不入。則曲。曲則伏。入兩矢。乃治之。矢取往而不反也。夷。平也。所以削草平地。楊斫也。主。主人。供軍用也。有蔽言可依蔽也。渠。弭也。險阻也。牢。牛羊豕也。言乃可以為主人。軍必。險阻也。牢。牛羊豕也。言雖山險。皆有牢牧也。擊也。斬。伐也。方。并也。編木曰。小。汭曰。梓。石抗。辟耳。山名。拘。夏。辟

耳之谿也。流沙。西吳雍州之地。城周。城王城也。反胙於絳。賈侍中云。反復也。胙位也。絳。晉國都也。晉獻公卒。奚齊卓子死。晉侯失其胙位。桓公以諸侯討晉。至高。以隰朋帥師。立公子夷吾。復之於絳。是也。嶽。北嶽常山也。纍。所以盛甲。翳。所以蔽兵。發。弓衣。服。矢服也。違。遠也。顏。眉目之間也。淫。見淫略也。選。數也。繫。馬。良馬在閑者。纂。織文。縷。纂。以縷織纂。不用絲。取易共也。奉。藉也。所以藉玉之藻也。个。枚也。縶。發也。垂。縶。言空而來。捆。綮也。軍。譚。遂。以軍滅之。不有。以分諸侯也。桓公之奔莒也。過譚。譚子不禮。比杏之會。遂人不至。故皆滅之。定。奠。隱。藏也。三。革。甲。肯。盾也。五。刃。刀。劍。矛。戟。矢也。

皇明萬曆己未仲夏烏程閔齊伋遇五父裁注



